

STYRESAK

GÅR TIL: Styremedlemmer
FØRETAK: Helse Vest RHF

DATO: 31.08. 2015
SAKSHANDSAMAR: Gjertrud Jacobsen
SAKA GJELD: **Status for innføring av pakkeforløp for kreft i Helse Vest**

ARKIVSAK: 2014/246
STYRESAK: **094/15**

STYREMØTE: **21.09. 2015**

FORSLAG TIL VEDTAK

Styret i Helse Vest RHF tar statusrapport for innføring av pakkeforløp for kreft til orientering.

Oppsummering

I 2015 innfører Helse Vest 28 pakkeforløp for kreft. Pakkeforløpa skal sikre at ein unngår ikkje-fagleg grunna ventetid ved utgreiing og behandling av kreft. Helse Vest deltek i nasjonalt prosjekt for innføringa, og har i tillegg etablert eit regionalt prosjekt for innføring av pakkeforløpa. Helseføretaka i regionen er godt i gang med innføring av dei fire første forløpa, og dei første resultatane for desse som blei publisert 27. august 2015 viser at 61 prosent av alle nye kreftpasientar inngår i pakkeforløp (mål 70%). 81 prosent av pasientane gjennomfører pakkeforløpa innan standard forløpstid (mål 70%).

Bakgrunn

Helse Vest fekk i oppdragsdokumentet for 2015 mellom anna følgjande oppdrag:

- innføre 28 pakkeforløp for kreft i 2015
- etablere forløpskoordinatorar i alle sjukehus som behandlar kreftpasientar, og sørge for at desse får naudsynte fullmakter.
- sikre utgreiings- og behandlingsskapasitet innan januar 2015.
- sikre ein struktur for organisering og leiding som sørger for nødvendig samarbeid både internt i det enkelte helseføretak og mellom ulike helseføretak samt mellom helseføretaka og fastlegaene

Dei 4 første pakkeforløpa blei innført frå og med 1. januar, 10 frå og med 1. mai og dei 14 siste frå og med 1. september 2015. Pakkeforløp for kreft skal sikre at ein unngår ikkje-fagleg grunna ventetid ved utgreiing og behandling av kreft. Forløp skal vera fastlagt på førehand og tider til prøvetaking osv. bestilt. Pasienten skal ha eigen forløpskoordinator og sikrast informasjon og medvirking.

Organisering i Helse Vest

Helse Vest deltek i nasjonalt prosjekt for innføringa, og har etablert eit eige regionalt prosjekt. Alle føretaka jobbar aktivt med å nå måla, men det er noko ulik utvikling for dei ulike fagområda og mellom føretaka.

Det regionale prosjektet blir styrt av Direktørmøtet som supplert med tillitsvalde utgjør styringsgruppa. I prosjektgruppa deltek HF-a, Haraldsplass Diakonale sjukehus, tillitsvalde og brukarrepresentantar.

Fokus i regionalt prosjekt

I regionalt prosjekt har det mellom anna vore fokus på å sikre nok kapasitet i føretaka, bruk av såkalla «slot-tider», etablering av forløpskoordinatorar, samarbeid på tvers av føretaka og å sikre samarbeid med avtalespesialistar. Helse- og omsorgsdepartementet har stilt krav til ny og omfattande rapportering knytt til pakkeforløpa. Dette har vore, og er, krevjande fordi DIPS førebels ikkje har lagt til rette for smidige rutinar for dette. Uheldigvis har dette derfor hatt for stort fokus ved innføring av pakkeforløpa, og det har vore ei utfordring å få på plass korrekt koding/registrering. Prosjektet har bidrege med avklaring knytt til spørsmål rundt koding/registrering.

I pakkeforløpa er det krav om at det skal gjennomførast møte i multidisiplinære team (MDT-møter). Dette er møter der fagpersonar frå ulike spesialitetar vurderer aktuell behandling for den enkelte pasient. Prosjektet har satt i gang arbeid med å få på plass videorom i HF-a slik at MDT-møter kan arrangerast på tvers av føretaksgrensene.

Forløpskoordinatorar

Mange forløpskoordinatorer i HF-a er no tilsett, men det manglar ennå nokre. Det er høge forventningar til kva denne rolla skal innehalde og prosjektet har sett behov for å klargjere desse. Det er derfor utarbeidd regionale rutinar, noko som er spesielt viktig når pasientar kryssar føretaksgrensene. Prosjektet har og prøvd å legge til rette for kontakt mellom koordinatorane i regionen, mellom anna ved å arrangere regionale samlingar.

Status pr. 1. september 2015

Dei fire første pakkeforløpa (som utgjør omlag 50% av pasientvolumet) ser ut til å gå greit, men det er nokre utfordringar:


- Kriteria for inkludering i pakkeforløp for prostatakraft er noko uklare
- Tidsfristane for behandling av lungekraft (kirurgi og stråling) ligg under normtala
- Inkludering av pakkeforløp for tarmkraft i Helse Bergen er under normtala

Det har vore større utfordringar ved implementeringen av de 10 påfølgande pakkeforløpa med unntak av forløpa for kvinneleg kraft og tildels blærekraft. Føretaka melder mellom anna at arbeidskrevjande koding er noko av årsaka til dette. Prosjektet vil ha spesiell fokus på dette framover, og vil vurdere eigne møter med HF-a.

27. august 2015 publiserte Helsedirektoratet resultat for nasjonale kvalitetsindikatorar, og då blei resultat for dei fire første pakkeforløpa som blei innført 01.01.15 offentleggjort for første gang.


Helse- og omsorgsdepartementet har satt som mål at 70 % av alle nye kreftpasientar skal inn i pakkeforløp for kraft. Vidare at 70 % av dei som er i pakkeforløp skal gjennomføre pakkeforløpet innan normert tid. Resultata var svært bra for heile landet. Figur 1 under viser at 61 % av nye kreftpasientar i Helse Vest inngår i pakkeforløp. For heile landet er talet 57,6.

Figur 1




Figur 2 under viser at 81,4 prosent av pasientane i pakkeforløp i Helse Vest gjennomfører pakkeforløp innan standard forløpstid. Det er svært gode resultat, men det må leggast til at det framleis er usikkerheit knytt til resultatata pga ulike utfordringar med koding og registrering.

Figur 2




Figur 3 og 4 viser tilsvarende som figur 1 og 3 fordelt på HF-a i vår region. Trenden er den sama at vi har best måloppnåing for pasientar som har gjennomført pakkeforløp innan standard forløpstid. Alle føretaka er her over 70% . Vidare at det er ein del variasjon mellom føretaka for å registrere nye pasientar i pakkeforløp.

Figur3



Figur 4



Samla sett er det svært gode resultat for føretaka i Helse Vest for dei fire første forløpa som er innført. Som påpeikt over er det usikkerheit knytt til tala, og det er grunn til å tro at det blir større utfordringar knytt til dei neste forløpa. Prosjektet vil følge dette tett framover.

Kva skjer framover?

- Regional samling for forløpskoordinatorar på Sola strandhotell **14. september** i regi av regionalt prosjekt for pakkeforløp
- Erfaringskonferansar i kvart HF i regi av Helsedirektoratet:
 - **13. og 15. oktober** i Helse Førde og Helse Bergen (helseministeren deltek i Bergen)
 - **26. og 27. oktober** i Helse Fonna og Helse Stavanger
- Helse Vest vurderer eigne møter med HF-a der vi ser utfordringar